

“Bezeroak aurtengo sagardoa gustura edaten ari dira”

Patxi Iribar Etxaiz Oianume sagardotegikoari elkarrizketa:

Patxi Iribar Etxaiz - Oianume

Nola hasi duzue txotx denboraldia?

Egia esanda, nahiko poliki. Momentuz, behintzat, jende gutxi dabil. Asteburuetan ondo, larunbatetan bereziki; baina bestela oso ahul. Larunbat eguerdian lepo izaten dugu sagardotegia, baina gauean etortzeko ohitura galtzen ari da. Alkoholemia dela eta, jendeak nahiago du eguerdian etorri.

Denboraldiak harrera ahula izan duela esango al zenuke?

Orain arte jende gutxi izan da, baina nabari da pixkanaka igoera. Normalean, Inauterien ostean izaten da jende gehien, Aste Santura bitarte. Beraz, aste honetatik aurrera jendea gelditu gabe edukiko dugu.

Zer moduzkoa da aurtengo sagardoa?

Oso ona. Aurtun, gure etxeok behintzat lehenengo etorri dira eta, nire ustez, lehenengo urtetakoak baino meheagoak dira. Aurreko urtetakoak lodiagoak ziren eta aurtengoak arinago eta meheago etorri dira.

Bezeroak ere iritzi hori al dute edo zer diote?

Edera dagoela diote, ez dira aurkakoa esatera ausartzen. Gustatzen ez zaienean esan izan digute, baina oraingoz ez dute kezarik izan. Gustura edaten dutela ikusten da.

Zenbat litro ekoizten duzue?

70 mila litro inguru ekoizten dugu, guretzat nahikoa. Dominatzen dugunerako nahikoa da.

Garai batean zutik jateko ohitura zegoen. Oraindik mantentzen al da?

Gero eta gutxiago. Batzuk jarraitzen dute zutik jaten, baina normalean jendeak eserita nahiago izaten du. Zutik jaten dutenak bertako kultura gehiago jarraitzen dutenak dira.

Nongo jendea hurbiltzen da Oianumera?

Urnietarrez gain, inguruko herrietatik etortzen dira hona. Bestalde, Errioxa, Bizkaia eta Arabatik ere etortzen dira. Lo egiteko ostaturia eskaintzen dugunez, kanpotik etortzen direnentzat erosoagoa da.

Botilan ere saltzen al duzue. Zenbat saltzera iristen zarete?

Botilan 40 mila inguru saltzen ditugu; denboraldia amaitutakoan eta baita denboraldian zehar ere. Eguraldi beroa dagoenean saltzen dugu gehien, martxo pasata, udara aldean. Ekaina, uztaia eta abuztua dira hilabete onenak botilako sagardoa saltzeko.

Non saltzen duzue gehienbat?

Pare bat banatzaile ditugu, baina etxean bertan ere asko kontsumitzen dugu.

Sagardotegi denboraldian sagardotegi aukera zabala dago. Konpetentzia hori nabaritzen al duzue?

Konpetentzia badago, baina norberak bere berezo leialak, urtero etortzen direnak ditu.

Zein da zuen bereizgarria?

Kalitatea. Horrek erakartzen ditu bezeroak.

Zuk zer nahiago duzu, botilatik ala kupeletik?

Botilatik, erosoagoa delako. Egutero botilatik edaten dut.

Zutik ala eserita?

Eserita.

Bidali lagun bati

- Nori:
- E-mail:
- Bidaltzailea:

IRITZIA

Hiazinto Fernandorena

Nik nahiago: Mielak!



Joxeba Lizeaga

Ez gaude kexatzeko moduan



Jon Unanue

Lurrikara



Ainara Arratibel

Oreka falta



Bakartxo Iguaran

Gabonak dira



Igotz Alkorta

Ez dadila ahaztu



Leire Zubeldia

Etxeko lanak



Xabier Huitzi Belamendia

Kantagintza: kantu zaletasunaren trebezia



Garazi Kamio

Telefonoz



Joxin Azkue

“Campechano y simpatico” omen...



Aitor Usandizaga

Gaur ez dago berrikerarik



Aritz Garin

Txertoak dohainik, gezurrak ere bai



Oihana Iguaran

Inuxente!



Koldo Jauregi

Gaztetxotako oroitzapenak



Leire Zubeldia

Ez dakit, eta zer?